

兵防志序

監利地多沮澤非用武之地然濱臨大江道通巴蜀兩
粵湘東其三江口白螺洲皆古來舟師屯戰之區况明
季流寇往來蹂躪其禍最烈近者咸豐之初粵逆土賊
相繼倣優頗勤師旅此不可不紀者也昔者莒恃僻陋
浹辰而楚克其三都無備故也傳不云乎勇夫重閉防
之於未然誠自治之上策也哉志兵防

軍制

本朝康熙六年撥荊州城守把總官一員官兵五十名
十三年添設守備官一員千總官一員把總官二員兵

監利縣志

卷之七

兵防志

一

四百名十五年添設叅將一員中軍守備一員千總官
二員把總四員馬步兵一千二百名十九年奉 文裁

仍舊荊州城守撥把總官一員官兵五十名 舊志

縣城汛把總一員駐防外委千總一員協防存城兵十
五名

李家嘴塘壺瓶澗塘南河口塘車灣塘 以上四塘把總
管轄各設兵三

名 蔣家老塘尺八口塘瓦子灣塘 以上三塘外委千總
協防各設兵三名

巡防水汛中灣 右哨把總分防設兵
六十名戰船一隻

螺山把總一員

嘉慶十八年大吏以江干多劫盜請於螺山添設把總

一員兵十八名以資巡邏

兵事

山陽公載記曹公船艦為劉備所燒引軍從華容道步歸遇泥瀆道不通天又大風悉使羸兵負草填之乃得過羸兵為人馬所蹈藉陷泥中死者甚眾軍既得出公大喜諸將問之公曰劉備吾儕也但得計少晚向使早放火吾徒無遺類矣備尋亦放火而無所及晉隆安三年殷仲堪鎮江陵江州刺史桓元目夏口西上將襲仲堪仲堪遣殷邁帥水軍拒之於西江口為元所敗

昔書西江口即今荆河腦

監利縣志

卷之七

兵防志

二

宋書謝晦傳晦舉兵攻蕭欣於彭城洲中兵參軍孔延秀進戰甚力攻洲口柵陷之到彦之退保隱磯

即楊林山也

昇明元年荊州都督沈攸之舉兵江陵乘輕舸從數百人先大軍下住白螺洲坐胡牀以望其軍有自驕色攸之敗還向江陵未百餘里聞城為張敬兒所據無所歸乃與第三子文和至華容界為村人所斬送

見沈攸之傳

陳書華皎傳叛陳於巴州之白螺列舟艦與王師相持率兵自巴郢因風便舟下戰為瀆于量吳明徹所敗

見華皎傳

北周書蕭譽傳大定五年王琳又遣其將雷又柔襲陷
監利郡太守蔡大有死之

隋書崔仲方獻平江南策曰蜀漢二江必爭之所賊雖

於流頭荆門延洲公安巴陵隱磯夏首蘄口湓城置

船然終聚漢口峽口以決水戰

据此則隱磯為水戰必爭之地可知

吳陳璋攻荆南不克而還荆南兵與楚兵會于江口以

邀之璋知之舟二百艘駢為一列夜過二鎮兵遽出

追之不能及

見通鑑

按江口即荆江口

吳遣苗璘王彥章將水軍萬人攻楚岳州楚許德勳潛

監利縣志

卷之七

兵防志

三

軍角子湖使王環夜帥戰艦二百屯楊林浦絕吳歸

路遲明吳人進軍荆江口將會荆南兵攻岳州至道

人磯德勳命詹信以輕舟三百出吳軍後德勳以大

軍當其前夾擊之吳軍大敗虜璘及彥章以歸

見通

鑑

按楊林浦即楊林磯

宋乾德元年湖南統軍使黃從志以岳州拒命慕容延

釗遣武懷節帥水軍趨岳州大破賊兵於三江口

宋

史

三江口即今荆河腦

五代史補高季興朝唐莊宗歸自是怨憤以兵襲取復

州之監利玉沙二縣

附明張文忠與湖廣撫院劉唐巖書有監利賊首既已首服云云又與楚按院陳燕野書云監利大盜久嬰鄙懷以有司不能任其事不敢易言之茲聞首惡已盡擒獲餘黨稍解散數十年巨憝一朝剗盡監利李尹不費兵力收此奇功按史與舊志皆不載此或者以其但用購捕未煩兵甲歟今附著於此

明崇禎壬午闖賊破荆郡遊騎至邑癸未正月偽防禦遣偽令來脅民拒守三月明總兵孔某自岳郡來攻偽令走孔去偽令復來先是明已部除朱慈黯爲令比至邑亂移治邑北時一邑兩令分南北而治日事監利縣志

卷之七

兵防志

四

大清兵追賊南下偽令走丙戌夏
戰鬪已而朱赴左良玉軍中乙酉三月我

朝乃除董公開運爲令繼之者蘭公完理始移治入城

自是乃有甯宇

詳見藝文類會青峰自紀中

兵塚在鐵城垓舊傳明季流寇殺戮居民聚埋坎中今存高塚者三

崇禎癸未土賊聚螺山市劫掠甚苦市人羅明揚傳忠恆集壯士逐之始出境

明末闖獻餘黨先後入湖南過螺山市大殺掠最後入賊踞螺山市屠戮尤苦民避洪湖蘆葦中者皆不免其孑遺蓋千百之一二

國朝咸豐二年冬粵逆陷岳州擁艘東下至楊林山分賊登岸掠至螺山市燔寺廟殆盡

四年正月粵逆復上犯岳州邑境震動張太元者沔陽人自逆黨中逃歸邑人秦光明主之與柳朝龍煽誘無賴號召羣盜將竊發承平久人未見兵革聞警則洵懼莠民惡子乘是欲爲亂階張賊適至應者如蝟毛而起邑侯江榜募立團無應者自募得百人皆市井惰游也聞變作將往朱河捕之至車市爲妄者所沮云粵賊已入洪湖乃返自是張賊橫行柳關到口等處矣至三月遂攻邑城火凌雲宮邑侯倉皇赴

監利縣志

卷之七

兵防志

五

郡請兵賊入焚縣署出囚徒倉獄皆燬自稱僞左軍遣僞黨分掠村市汪沈周藍四賊附之皆首著紅巾頓至數千人沔陽華容各土賊大起環數千里焚掠相望今簡相官公以將軍鎮荊州檄江陵知縣陳均遠募勇治饑遣荆衛守備福興率勇至汪家橋進勦柳賊夜往襲其營伏礮發驚潰福亦還郡賊又往掠程家集柳口及江屬龍灣將軍復遣守備宗維清統把總孫宗元但飛雄吳鵬程等及將川勇之舉人楊際春率兵勇勦賊戰於劉家鋪賊大敗死者相枕藉餘逃走進復縣城四月二十八日事也五月二日徐

公文灼奉委來權縣事公慷慨有智略善調協兵民然賊猶盤互四境也二十七日昧爽賊分兩路撲城火燭天時川勇方以乏精還郡畱守者百餘人賊犯北郭徐與孫督兵勇出禦之遇諸彭家淵鎗發賊卽奔追至崔家淵殲其眾方斂兵歸賊又火南門及東門外分往策應徐公與孫但二君揮戈力戰賊知北來者已敗無鬪志乘之斬殺無算川勇追賊至朱河又敗之三盤棊搜捕無漏刃者其藍賊亦爲北鄉團勇所殲惟張柳二賊颺去會餽餽不繼罷遣兵勇顧賊平而餘匪往往跼伏村僻徐公念非立團不足察

監利縣志

卷之七

兵防志

六

奸宄絕亂萌乃傳諭城鄉紳耆議立善後局起團練勇羣舉主事龔紹仁孝廉方正龔經植拔貢龔經棻職員龔樹滋廩生朱公望龔經選生員李懋熊吳飛鴻彭榮秋蔡忠淇游學祺余子和王承烈潘宗等楊之杰武生趙培欽十六人典主局務分途勸捐練團以足兵食合邑士民皆欣然從命賊竄匿四鄉者團練力能去則去之不能以自於局督兵勇勦之由是去惡務盡民漸安堵如初惜孫君竭誠相助以七月申旬中暑卒未及與徐公終厥事也其後兵勇旣遣而凶頑者盤踞不去邑中受擾徐公以聞於將軍有

就地正法之令遂相率以去是年粵逆再陷岳州時
武漢皆陷洞庭以下沿江皆爲賊所分布僞眾數萬
屯螺山賊艘凡七八千艇泊螺山江中芻糧如山築
壘白螺洲以遏楚南義師自二月至七月賊張甚今
爵相曾公引舟師出洞庭復岳州大戰江中連勝擒
其魁賊大敗進焚賊舟燒及溺死者尸蔽江下餘黨
乃潰走

毓才徐氏曰聞張賊初起同逆謀者僅數人令尹奮袂
直往梟誅之則曲突徙薪之謀也惜爲妄言所沮後
遂滋蔓至勤師旅若宗若徐若孫若但破賊復城皆

監利縣志

卷之七

兵防志

七

以力戰聞而徐於善後摩畫尤周夫賊起亡命烏合
本不足膏礎斧特借粵逆鋒勢倚以爲重向微爵相
曾公大破粵逆於江上恐邑境之賊此滅彼起未得
解甲而卧也嗟乎曾公復楚之功偉矣豈獨茲邑受
其賜哉